

Christliche Leich Predigt.

Der Ander Theil.

Derweil aber keiner vnter vns aus eignen Kräfte
ten sich selber köndte zu recht finden / so last vns
nun ferner hören / wer der sey / der vns suchet vnd
findet / vnd was er an vns thue. Das ist nun kein Engel oder
Mensch / sondern das Lämblein Gottes / welches S. Johan-
nes mit Fingern zeigt / der tritt auff in vnsern Sprüch-
lein / vnd zeuget von sich wer er sey / vnd warumb er in die
Welt kommen / Des Menschen Sohn / sagt er / ist
kommen selig zu machen das verlohren war.
Das sind freundliche vnd tröstliche Wort / darinnen er
vns in dreyen Stücken sein Hertz gegen vns hat auffge-
schlossen.

Joh. 1.

Christi hertz
wird vns
hier gezei-
get.

1. In grof-
ser Barm-
herzigkeit /
vnd tieffer
Demut.

1. In seiner grundlosen Barmherzigkeit vnd vnauf-
sprechlicher Demut / daß er zu vns armen verlohrenen
Menschen selber kommet. Wir arme Elende Sünder
soltten billich zu ihm kommen / aber O des Jammers?
daran köndten wir nicht eines gedenden / daß war eben
das vornehme Stück vnseres Irthumbes / daß wir nicht
kündten vns zu Christo den rechten Hirten vnserer See-
len wider finden / darumb müsse er vns nach gehen / vnd
zu vns kommen / solte vns geholffen werden / welches wir
in vnserm Catechismo bekennen: Ich glaube das ich nicht
aus eigener Krafft an Jesum Christum meinem HERN
glauben oder zu ihm kommen kan / etc. Vnd im Vater
Vnser hat vns der HERR also selber beten heissen: Dein

Reich